

“Ek is die Weg, die Waarheid en die Lewe...”



Ons name vertel ons stories. Begin hierdie bybelstudie deur vir elkeen kans te gee om die stories rondom hulle name met die groep te deel. Watter rol het familie name in die gesin gespeel en waarom is dit nogal 'n saak van spanning in sommige families?

Die **naam Jesus** of Jesua beteken **Verlosser**. Wat kan ons dus daarvan aflei van die rol wat Jesus in ons lewens wil speel?

(Agtergrond: Dwarsdeur die boek Johannes openbaar Jesus Homself en dus wie Hy wil wees en die rol wat Hy in ons lewens wil speel deur op verskillende plekke self te verklaar “Ek is...” hierdie woorde help ons om Jesus deur nuwe brille raak te sien en beter te leer ken, wat natuurlik die potensiaal dra dat ons kan groei...)

Lees Johannes 14:1-14 en deel met mekaar wat jou dadelik opval.

- a. **Waarom dink julle begin Jesus met die woorde in v 1 “Moenie ontsteld wees nie...”?** *(Loer vinnig na hfst 13 vir die sleutels – verraai, verloën, verklaring dat Hy gaan sterf – watter impak kon hierdie traumatiese gebeure op die dissipels gehad het?)*
- b. **Die uitdaging is om aan te hou om te glo** tsv baie moeilike persoonlike omstandighede – **v 2. Watter versekering** geen Jesus in die volgende verse vir ons wat vir ons moet help om te bly glo? *(Twee gedagtes wat moet uitkom is dat ons toekoms in God se hande is, dus gewaarborg is en dat God nog nie klaar is met ons nie...)*
 - v 2
 - v 3
 - v 4
- c. Die **kernvers is vers 4** as Jesus verklaar: **“Ek is die Weg en die Waarheid en die Lewe...”**
 - **WEG – 2 moontlike betekenis:** (1) die pad agter Jesus aan, maw gehoorsaamheid en (2) om op dieselfde manier te leef soos Jesus geleef het... *(Die eerste Christene is genoem “mense van die weg...” Hand 19:23, lees dit in verskillende vertalings)*
 - o **Watter uitdaging is daar vir ons om aan die Here gehoorsaam te wees?** Noem 'n paar sake waarin die Here baie duidelike gehoorsaamheid van ons vra.
 - o **Watter uitdaging is daar vir ons om soos Jesus te leef?** Noem 'n paar kernsake wat Jesus se manier van leef heeltemal anders gemaak het.
 - o **Watter impak behoort hierdie 2 sake te hê tov ons getuienis in die wêreld?**

- **WAARHEID** – staan teenoor allerhande leuens en halwe waarhede.
 - o **Watter leuens glo ons maklik oor onself?** Waarom is ons bang vir waarheid oor wie ons is?
 - o Jesus se verklaring dat Hy die Waarheid is, behoort dus vir ons **watter versekering** te wees? (*dink hier juis aan die sake waarin ons bv ons sekuriteit soek, vertrou op bou, dat ons vir Hom goed genoeg is...*)

- **LEWE** - die woordjie *lewe* kom voor in al die ander “**Ek is**” uitsprake – brood wat lewe gee, lig vir die wêreld wat lewe gee, goeie herder wat sy lewe aflê, ware wingerdstok waaruit ons groei...
 - o **Lees ook Johannes 11:25-26**
 - o **Watter sake steel jou lewe?** Of wat breek dit wat Jesus in jou wil bou, af?
 - o In Johannes 14:6b sê Jesus: “*Niemand kom na die Vader toe, behalwe deur My nie.*” Om dus werklik te ontdek wat dit beteken om te lewe, moet ons op “Jesus se Weg” stap en leef... daar is nie ‘n ander pad nie! Net Jesus gee lewe.

Soos Jesus die Weg en die Waarheid en die Lewe vir jou word gebeur 3 ander belangrike sake: Hoogtepunt: v 12-14 – powerful, opwindende, kragtige, nuwe lewe en moontlikhede!!! As ons voluit leef vanuit die oortuiging dat Christus die weg waarheid en lewe is... die beste lê nog voor!!

- 1) **My lewe** gaan ‘n magtige impak begin maak... **v 12**
Belofte dat ons groter dinge gaan doen as Jesus!!

- 2) **My gebedslewe** gaan ‘n drastiese wending neem... **v 13-14**
Ons gaan begin bid soos Jesus!
 - o Beteken dit dan nou dat ons **alles gaan kry** waarvoor ons vra?
 - o Wat leer ons hieroor in Jesus se gebede? (*onthou, die punt is van hierdie hele gedeelte dat ons soos Jesus moet word... en vir Hom was dit genoeg om steeds God se wil te soek, nie om eenvoudig alles te kry waarvoor Hy vra nie... want God moet vrehreerlik word*)
 - **Matteus 6:9-10**
 - **Lukas 22:42**

- 3) **Die krag van Jesus se naam** gaan in my lewe nuut deurbreek! **v 14** – ons mag bly glo dat Jesus nog nie klaar is nie en deur sy naam – **Verlosser** – steeds kragtig in en deur my gaan werk.

NB uitdaging: Watter een saak daag jou uit om in hierdie week anders te gaan leef?

Saambid